

古田縣志卷之十八

交通志

古田僻處萬山之中陸則山嶺崎嶇車不能達水則溪灘險惡舟不能行昔之傳遞文書運輸貨物專賴驛鋪與人夫而商旅往來則恒以肩輿代步交通固異常不便也乃今者公路縱橫汽車往復而郵政電報電話飛機場廣播收音機亦相繼成立消息靈通往來便捷茲分述如右亦以見邇來吾國建設之突飛猛進也纂交通志

驛

黃田舊雖設驛只管輿夫而槓夫分之嶮峽明隆慶二年延郡守

古田縣志

卷之十八

交通志

議歲協助黃田站銀一千二百兩一切槓夫俱取辦焉其爲延人謀則善矣第黃田之夫額日增不得不沿村編派直至十八都相距百里而遙實民舍厥穡事遠涉聽差其害可勝道哉若槓夫屬之嶮峽則武步章湖坂諸村皆延平地方一呼而數百人立集無庸編派之遠也萬歷二十四年縣令劉曰暘蒞任久累之夫紛紛控愬力爲稟白皆稱議復之便事下福延二郡互議遂復嶮峽槓夫黃田答應船輿如初因稽查居民有家計稍殷堪於管夫而扛擡則拙者則編爲保家有流寓之氓力能扛擡而逃徙靡常者則借其力而編爲夫設義總以統之使車至義總催保家保家集各夫躲避則責保家僱補夫不滿數又將

附近都民如法編派以足贍夫八十名之額稍加通融一作正夫一作朋夫聽其更番供應但給散工食使必候領本府則往返稽期誰堪枵腹仍請將黃田驛贍夫銀兩存留縣庫每月工食委員詣驛按名預散不入義總之手月定十二差水陸各半差滿有力者聽該驛另給工食如僱夫之例倘值使節之稀不足差者不行追扣又訪驛夫撥差每經義總之手容有以私意而疏密其差者概將新編膳夫名數登刻木板照依次序輪撥差盡乃僱然嶮峽槓夫既復則水口擡槓直至嶮峽交替加多二十里之程可勿恤乎因計嶮峽不理船夫每月剩銀協助水口爲幫僱槓夫之用但古田蕞爾邑轄黃田水口二驛舟車駢

古田縣志

卷之十八

交通志

二

集水口上接黃田五十里下至白沙一百二十里黃田上接茶洋七十里下至水口五十里水旱兼用而旱夫黃田獨多旋又裁減而差役絡繹接踵使節臨紛紛沓至以至吏承之差齎軍衛之飛馳種種皆由陸路額銀漸減於初而夫馬實倍於昔萬歷二十八年縣令王繼祀通詳酌議凡閱歲而始得請黃田每月領站二百五十一兩二錢三分水口每月領站三百一十兩五錢通計福郡十縣止八驛而古田縣以小縣轄二驛小民疲於奔命每於驅使寓喚咻民乃就役無怨其調御亦良苦矣前清留給驛夫銀一千一十兩四錢黃田驛額設贍夫一百名走遞公文等夫八名兜夫十五名水口驛如之乾隆八年裁水

口驛丞卽以縣丞移駐水口兼理驛務勞逸適均驛不騷而民不擾昔所視爲畏途者今且易爲康莊矣

力役之征由來久矣三代以後漢治頗爲近古時十里有亭亭有長十亭一鄉鄉有三老有嗇夫有游徼用以役民耳寢久而漸失其意遂以厲民宋制衙前鄉戶之弊滋當之者破產王安石矯以出錢僱役之法雖甦一時之困而出納之際吏緣爲奸甚而僱直之外又實當差其時流亡載道也宜哉明設四差一曰綱里甲之役二曰徭均徭之役三曰機民壯之役四曰站驛傳之役蓋際括前代之徵額而勻之也然昔者庸調併入兩稅之外重賦其丁不且於丁錢之徵復取庸調乎清康熙十六年始

古田縣志

卷之十八

交通志

三

行落甲法凡配米懸丁故絕懸丁悉行扣除民困始蘇然大當小甲之目起累復不淺二十九年總督興嚴禁勒石民無驛騷之擾始得優遊盛世於無旣矣

水口遞運所在水口驛邊明洪武三年設成化間廢

水口驛在縣治南一都水路下通白沙百二十里而遙陸路上接

黃田五十里而近又名困溪上游水勢至此稍緩溪濱地稍寬下鮮灘石上下舟航維泊輻輳居人繁盛桑梓聯絡未有監鎮宣元革明宏治二年知縣屠溶立華表於驛前名曰迎恩萬歷

二十四年知縣劉日陽勸率通縣殷戶修城堡造兵器加意節

省剩銀五十餘兩給發驛丞李應會鼎建郵亭煥然改觀

宋朱文公詩（昨夜

扁舟雨一霰滿江風浪意如何今朝試揭孤篷看依舊青山綠樹多又鬱鬱層巒夾岸青春山綠水去無聲煙波一棹知何許題為兩山相對鳴林光朝詩黃花時候苦思歸急水還家一日強不道南風打頭上客船搖櫓作重陽明劉基詩八夜波

白沙驛亭午至水口中流鬱風霧密雨蔽原阜冥濛蛟龍過隱隱怒雷吼傾欵臥帆席馮翼感前機畏途生頃刻顛倒亂手足愴惶投山館喜懼劇紛糾攝身整衣帶沾溼及肩肘平生歷道路艱險頗曾受未能遠形骸豈敢輕衰朽捐軀在成人垂堂不

宜狂總轡登前嶺煙雲向昏翳經阻有防虞姬文亦奔走以雷詩國關之水來隴頭排山下與閩溪流閩溪送客東南走直到嵩溪始分手客居溪上雲幾重鳥啼月出門朝松天風吹雲數千里飄飄飄渡長江水清淮浩蕩連黃河碧樹滿地黃雲

多夢中長記關山路隴水潺湲似人語覺來有書不得將海潮不上嵩溪陽平原春曉生芳草杜鵑聲裏令人驚行人歸來動十年潺湲隴水聲依然安得相和聲鳴咽彈作相思寄明月吳國倫詩何如逢君不可憐客星雙照七門天玉華雲氣詩筒

滿金鎖江聲響閣懸海共聞鹽鐵議徵兵急藉水衡錢祗應白首勞王事肯向青雲問後賢林廷玉詩百世浮生夢一葦越江船水見平還長山疑斷復連鳥聲催淑氣柳色染春煙何處漁歌發悠悠夕照前郭文淵詩斜日荒山道吹衣落木風

遠家纔百里流轉館孤蓬主僕忻陽復兵餘嘆道窮吾生何塞拙長任路塵中屠本峻詩幾日馳驅入至閩笑攜樂餌與綸巾青山一半堪留咏碧樹千章可蔽人但遺歲華容短髮肯從平海問迷津官齋亦架層層上始信吾輩吏隱真曹學佺

詩一帆過異縣兩夜客滄洲積石高低市浮關啓閉舟人煙寒夜潤月色滿當樓為憶傷心事三年淚未收林春秀詩風露罪微暗結霜江楓似畫動晨光茱萸正覆須調酒蟋蟀何知亦近堂鬢驚秋今九日十年旅此重陽又誰說說登高

事七日相依總異鄉楊德周詩劇邑馳驅曠嘯歌寒煙宿莽下平坡十年行路滄江遠一夜懷鄉白髮多驛外霧籠漁岸草關前霜積客亭莎道旁自笑逢迎懶不是于今禮法苛謝肇淛詩暮木下江長天一鳥還松聲飛覆水雨氣入殘山

官渡垂楊曼人家野竹間客身真似葉歸夢逐潺湲高克恭詩浩浩江流動地來牙檣無數集濛濛稅司坐嘯高臺上兩日臨津猶未開高國定詩溪橋徒倚望嶙峋問客登臨却未飽削竹引寒泉十里澆花踏上屋三層空宵嚴柝山樓成破

曉疎鐘塔嶺僧紀勝有詩慚謝眺素心恰與練江澄清翁文遠詩征帆去何極歸棹近涯收結屋皆臨水觀船並倚樓溪塵涼過雨山色澹於秋一葉頻來往所爭上下流張學舉詩漢雨初停暮靄霏江天漠漠浪花微涼颺驅暑走何處明月

古田縣志

卷之十八

交通志

四

與人共載歸勞鞅倦臨山水驛塵容老負詩羅衣羨他漁父滄浪外一笛孤清繞釣磯又勢極翻收寐不成驛樓人語靜深更風灘已壯仍添雨迸作潺湲一夜聲郭植詩煙中青嶂水平溪綠樹人家翠靄迷掀起中篷星數點鷓鴣聲在野塘

西辛竟可詩勞勞亭上客終日送還迎仄徑從茲起危灘到此平笥與朝霧溼畫舸暮雲橫水陸舟車際來回第一程

黃田驛在縣治西二都上距嶮峽二十里茶至洋驛六十里而遙

下通水口驛五十里而近驛宇狹隘使節病焉明嘉靖間知縣

吳立建竹園公館於驛畔以便駐車之憩息萬歷二十四年知

縣劉日暘重修

明林詩詩一早負浮名賦遠遊青山明月共孤舟渡頭夜市開方語樹裏寒燈隱驛樓年少多情應惜別靜中無物不關愁鄉園殘夢蒼茫裏忽聽舟人起棹謳胡定詩己失中秋賞那

知九日侵登臨何處好霜露故園深落帽非會慮沉吟見客心鬢毛蕭颯盡總媿菊花簪聶豹詩灰徑叢巒微曙色溼泥江霧溼征袍巖頭過雨飛懸瀑洞口經春放小桃峒虎深藏鷲繡斧山禽高舉露霜旄陳詩未有觀風補歲晚遊巡謾自勞

楊德周詩曰給驅申過嶺頭山田高下水平流輕雲倦鳥將投宿疏雨鳴蟬忽報秋度峽灘雲鷓客枕穿林月色隱更樓最憐隔浦鷓鴣聲解人間去住愁郭微詩野出荒草碧蕭蕭初篠須乘醉澆門外尚餘三尺地好教重種芭蕉又紫萍

盛蹙護寒塘梅影斜侵蒨蒨流冰水却通關外潤明春三月好浮觴清辛竟可詩一驛館秋深夜不眠欲凌霜月迓雲駢隼旗颯颯沙鷗起鷓首過時錦纜牽碧嶂千層遮馬路黃雲十頃擁山田經過使節日午幾縷青青鳥疊烟

石山公館在縣治南五十里許地名巖上舊無公館明宏治六年

知縣屠容建萬曆四年重修

明郭文涓詩（午餉過巖屋陰晴滑磴苔老於筋力憊愁遺肺肝摧背路常溼逢春梅早開筍與頻此度漸覺華儀）王一中詩翠

為屏嶂玉為田鳥道紆迥一洞天飛鳥初來今復去吾家原在白雲邊（高孝忠詩百里溪山路險阻穿雲迷去住傍日一躋攀地轉龍蛇窟天迴虎豹關何當脫凡累高舉出塵寰楊繼周詩鞅掌朝朝歎不遑出門十里又斜陽五更殘夢車中月一片歸心鏡裏霜傍嶺溝塍迎遠瀑中林煙火人遇崗富民亦有封侯願極目群羊滿道傍）又（碧山幾載笑冠簪新路孤行似響語飯罷村深猶障日午餘林密未開嵐孤亭翠接危峯上絕壑青園短徑南紅葉一堆好景在風塵滿目不容探）徐焯詩（霜染楓林葉滅青遙歌歎短長亭水聲不復喧丹壑山影依微聳翠屏巖又燒田畝火烈行人荷擔海鮮腥巾車一入城南路古寺風高響塔鈴）

嵩溪公館在水口明嘉靖間知縣吳立建

明楊德周詩沿堤楓葉已經秋幾片青帘深小樓臨水數寒幽事好却嫌紗帽對汀鷗洪士英

詩喜到嵩陽道重圍水村四圍青嶂合萬頃碧波翻樹擁爐峯簇雲依天柱屯登舟將擊楫漁火已黃昏又避暑高軒上無風溪水平忽逢時雨至盡洗晚山清虛閣涼初人奔泉夜更鳴梧桐知節候一葉下秋聲

豫陽公館在縣西二都明嘉靖間建萬曆二十五年重修水口陸

行至豫陽去黃田尚二十五里館內有喬松百尺許千年物也

明楊德周詩（虬幹龍鱗百尺齊清陰十畝拂雲低却驚車馬經時到野鶴高翔不肯栖）

上洋公館在縣西四都明嘉靖間建萬曆二十七年知縣劉日陽

古田縣志

卷之十八

交通志

五

捐捧重修義民卓中立等承而鼎建之中為正堂翼以夾室兩

廡有舍前有門房垣牆四繞傍鑿池建亭敞然一麗區也

明林春秀詩何時離

亂生尚見骨縱橫獨有愁為客鷓鴣聲裏行（楊德周詩池館何空寂前峯擁翠亭綠牆都挂荷荷鋪好尋苔薄酒村宿綠寒燈客棧青馳驅無日息到處負山靈）高克恭詩（數里松陰合中林一徑通可憐雙短髮是處任秋風）

秀峯公館在縣治東四十四都土名牛頭嶺明萬曆二十七年知

縣劉日陽重建蓋此道與羅源相通監司查盤及杉洋捕館必

經之地故有此設

明楊德周詩（千峯萬壑淹孤村縱見嵐開又昏飯罷行人催上馬隔溪野老暮關門）

舖

南路五舖

總舖在縣前明洪武初置成化十七年重建後廢為民舍萬曆三

十年縣令王繼祀查復修整扁曰縣前舖

額載司一名兵四名北與新設屏南尋洋埧舖交界

曹洋鋪在縣治南七都曹洋村距縣總鋪二十五里明洪武初設

額載司一名兵二名

茶亭鋪在曹洋鋪之南二十里七都茶亭村明洪武初設

額載司一名兵二名

崎嶺鋪在茶亭鋪之南二十里閩清縣李家崎明成化二十年設

額載司一名兵二名

湯壽鋪在崎嶺鋪之南二十里閩清縣湯壽村明成化三年設

額載司一名

名兵二名與本縣大路常瀨鋪交接徐勃詩（山路登登指玉出水池如沸出溫泉中積石噴晴雪巖上炊梁熟午煙地憶舊遊斗六六墳驅故友草竿霜寒不耐馳驅苦聊借茅房半榻眠）

西南路七鋪

常瀨鋪在湯壽鋪之南二十里宋初建在水口驛下明成化間移

建水口驛上里許

額設司一名兵七名閩清縣牛頭鋪交界分遞古田屏南公更又與南路湯壽鋪交接係是繁鋪

古田縣志

卷之十八

交通志

六

朱興鋪在一都朝天橋

額設司一名兵五名無鋪舍鋪廠在橋頭舊名朱坑南距常瀨鋪二十里許

秀嶺鋪在一都秀嶺上

額設司一名兵五名無鋪舍有鋪廠與塘房相連

峨洋鋪在一都莪洋村

額設司一名兵五名亦無鋪舍所住民房宋名芋洋元改豫洋今名峨洋

谷口鋪在一都谷口村

額設司一名兵五名南距峨洋鋪一十五里

竹園鋪在一都黃田驛署後

額設司一名兵五名南距谷口鋪十五里

雲頂鋪在三都雲頂村

額設司一名兵五名南距竹園鋪一十五里宋名雲頂元改雲頂西與南平縣嶺峽鋪交界

以上驛鋪清季俱廢一二遺址猶存

縣坊巡警冷鋪十所明正德十年知縣錢益建久廢

一保二所

一在玉堂東畔一在後林巷口

二保二所

一在文興坊口一在佑壽宮前

三保二所 一在礮舍巷口
一在中街十字巷口

四保二所 一在慈濟宮前
一在明德堂右邊

五保二所 一在縣前監牆邊
一在石平巷口

旬差 清季額設二名工食給自縣庫每月上中下三旬川
走審古傳遞公文並報晴雨糧鹽銀價郵政興遂裁

郵政

古田縣城郵政創辦於清光緒二十九年初僅設郵櫃隸水口局
三十一年始於二保大街賃屋設局民國三年遷四保中街二
十六年遷迎仙橋林氏祠為二等局邇來推廣四鄉郵務發達
通訊日見便利茲將各站里程列下

東路有古甯郵綫由古田至甯德前係隔日一班自民國二十八

古田縣志

卷之十八

交通志

七

年九月起改為逐日班星期日仍舊休息全綫用郵差六名接
連跑遞其各站里程第一日由古田縣城至卓洋第二日由卓
洋至甲竹第三日由甲竹至甯德返程相反同年十二月起復
將第一日路程分為甲乙兩班(甲)日由古田縣城至大橋頭
三十華里大橋頭至橫洋十五華里橫洋至常洋十五華里常
洋至卓洋三十華里(乙)日由古田縣城至前壠三十華里前
壠至巷頭坪一十華里巷頭坪至廣勝三十五華里廣勝至卓
洋十五華里卓洋現為甲乙兩班中心點第二日由卓洋至西
洋三十華里西洋至鶴塘一十華里鶴塘至杉洋三十華里杉
洋至甲竹四十華里第三日由甲竹至洋中鄉四十華里洋中

鄉至甯德縣城四十華里以上大橋頭橫洋常洋卓洋西洋鶴塘杉洋巷頭坪各站均設郵政代辦所前壠廣勝暫設信櫃概歸古田局管轄此外尚有支綫由卓洋至前洋計長二十華里於前洋設信櫃歸卓洋代辦所管轄每三日交接郵件一次由鶴塘至溪邊程滌計長二十華里於溪邊程滌兩鄉各設信櫃歸鶴塘代辦所管轄每三日交接郵件一次由杉洋至嶺南鎮計長四十華里於嶺南鎮設立代辦所每三日交接郵件一次歸古田局管轄

北路有古屏郵綫由古田至屏南原係隔日一班自平湖街代辦所於民國二十六年四月改升三等局後始改爲逐日班全綫

古田縣志

卷之十八

交通志

八

計長一百七十華里以郵差四名循環跑遞星期日休息一天其各站里程古田縣城至黃柏口十五華里黃柏口至高攀街二十二華里高攀街至平湖街三華里平湖街至一保五華里一保至三保(屏南縣轄)十五華里三保至長橋一十華里長橋至甘滌下三十華里甘滌下至棠口四十五華里棠口至屏南二十五華里以上除棠口甘滌下外其餘高攀街長橋兩代辦所一保三保黃柏口三信櫃均屬平湖街局管轄此外尚有十六都鳳埔信櫃亦隸于平湖街局其來往郵件由鳳埔信櫃逐日派人前往黃柏口交接

古甌汽車郵綫由古田至建甌二百三十二華里民國二十七年

三月一日開班每日一次照古甌行車時間

西路郊外綫用郵差一名每隔日一班第一日由縣城至羅峯第二日由羅峯回縣城星期日休息其各站里程縣城至上墩信櫃二十華里上墩至七保代辦所一十華里七保至五都鳳埔代辦所二十五華里鳳埔至羅峯信櫃二十五華里羅峯至下洋信櫃一十華里下洋至局下信櫃十七華里局下至羅華信櫃三華里羅華至縣城二十二華里另黃田至羅峯三十華里前由水口局津貼黃田代辦所托差帶運自民國二十六年六月西路郊外綫展長至羅峯時取銷

古谷汽車郵綫由縣城至谷口六十八華里每日一次照古谷行

古田縣志

卷之十八

交通志

九

車時間此綫通後縣城至水口郵綫取銷裁郵差四名

水口至黃田郵綫係郵差每日傳遞其各站里程水口至谷口代辦所四十華里谷口至黃田代辦所七華里以上谷口黃田兩代辦所均歸水口局管轄又水口至灣口一十華里信件係托汽船帶運水口至閩清轄塘坪信櫃二十華里由該信櫃托人向水口局交接往來郵件

福古汽車郵綫曾於民國二十八年二月開班每日兩次照福古汽車往返時間同年四月底因時局緊張公路破壞郵遞併停縣城開設代售郵票處三所(甲)東門巷(乙)十字街(丙)北門外信箱二處(甲)古谷汽車站內(乙)新義山史榮伯中學門口

電報

古田電報局初僅有水口鎮一處線路上通延平下達省垣創設於清光緒十三年全縣公私事件均須專差馳送水口拍發民國二十年冬始於縣政府內附設局所試辦因費絀旋撤二十二年復於三保大街設專局線路西經谷口至水口轉達各地二十五年奉令與郵政合局辦公專局遂撤二十六年夏奉令電報電話改併爲報話代辦所歸郵政局兼管

電話

古田向無電話民國後惟軍政機關藉通軍事消息分派民間沿途豎杆裝設話機達於水口谷口平湖各軍次軍隊調防隨撤

古田縣志

卷之十八

交通志

十

民國二十三年縣政府奉令設聯區電話註軍黨部商會亦聯同附設二十五年冬電報局奉令兼管長途電話與水口福州閩清尤溪南平建甌等處通話範圍較聯區電話爲廣二十六年夏奉令與電報合併於郵政局

汽船

汽船初多由資本家措資購置最近亦有集合股份成立公司載商旅貨物往來於省城及谷口黃田間此外則常川往來於延建各汽船中途搭載亦稱便利

民船

民船係由各船戶自行購置運載旅客貨物爲營業由谷口或水

口江岸駛至省南台三保碼頭

舢船

古田水路交通惟西南濱江之水口谷口黃田等埠有汽船民船行駛於省會及上游各市鎮有縣民集貨自辦者有航行過境者往來旅運咸稱便利至於境內則湍急灘淺不便航行僅有小舢船往來於縣城及北區平湖小東區官洋運載農產品肥料及磚瓦柴草等物固不足以言交通也此外尚有城區之東門頭二保三保四保淋洋等渡大東區之三十九都雙口渡小東區之四十都馬家嶺渡南區之一都朝天橋水口兩渡西區之三都虎潮渡北區之十二都狐狸坂十五都之陽谷仕坂十

古田縣志

卷之十八

交通志

十一

七都之杭下過溪等渡亦僅一葦之航而已

汽車路

古谷公路原稱谷平支路倡辦於民國十七年由古田縣建設局邀集地方人士集資創辦初設古田民辦谷平支路籌備處舉行初步測勘工作原擬照本省民辦普通車路章程純由地方集資辦理嗣以工費浩大由谷平長途汽車股份有限公司於十八年十二月改照本省公路承租辦法呈蒙 本省公路局核准協訂谷平支路承租及借款合同其辦法即由谷平長途汽車公司備借省公路局國幣八萬元爲建築該路工程之用省公路局於全路築竣之日即將該路租與公司爲行駛汽車

營業所有承租專營期間及通車後按月應繳專營費金額並
借款還本付息方法均有明白規定當卽由省建設廳設立谷
平支路工程處辦理工程建築及派用民工事宜先築縣城至
谷口一段是爲南段又設谷平支路路款委員會就地配募公
路公債以補借款外不敷工程費之用至二十二年末該段工
程將次完成適閩變中止二十三年末又由廳設甌出公路工
程處繼續築造於二十四年五月報竣同年九月一日通車每
日由縣城開至谷口上下午往返兩次交通頗稱便利並於南
關谷口兩地設置車站以便營業嗣本段展築至北關外與福
古甌路啣接車站亦移至北關內易名古谷以符名實至縣城

古田縣志

卷之十八

交通志

十二

達平湖爲北段須待時興築云

古甌長途汽車路起建甌縣城迄本縣北關外全綫長一百一十
六公里零九百公尺經過本縣轄境凡四十七公里零九百公
尺劃分兩段築造第一段工程事務所設建甌縣城凡建甌至
玉山街以上工程屬之第二段工程事務所設本縣城內一保
凡玉山街以下至本縣北關外工程屬之于民國二十五年九
月成立十月開工二十七年二月築竣設車站於北關內龍首
山下三月通車每日由古田開至建甌上下午往返兩班商旅
稱便又于關外起關一支路經極樂洋至赤崎林與古谷路相
聯絡計長三公里其工程半以人民勞役工補助之與幹路同

時完成

福古長途汽車路起福州洪山橋迄本縣北關外與甌田路啣接全綫長一百三十五公里零八百公尺經過本縣轄境凡三十二公里零八百公尺劃分三段築造洪山橋起至白沙爲第一段白沙至羅橋爲第二段羅橋至古田縣城北關外爲第三段其工程事務所均設本縣城內一保于民國二十五年九月成立十一月開工本縣北關外舊有紫橋前年燬于兵今仍遺址改造橋梁使兩端接連路面全綫于二十七年六月築竣二十八年二月通車每日由福州開古田上下午往返兩班甫兩月以倭警急於二十八年四月奉令將該綫路面破壞預防進襲

古田縣志

卷之十八

交通志

十二

僅存紫橋而已

手推人力車人力貨車及腳踏車

邑處叢山中道路險仄車不能通昔之運輸藉肩挑而已自古谷古甌福古車路相繼築成手推人力車人力貨車及腳踏車一時勃興所有貨物暨農產品多以人力貨車輸運至於人苦徒行昔坐肩輿今多改乘手推人力車或腳踏車但均限於短程若長途仍以汽車爲便利也

飛機場

民國二十三年夏奉航空委員會電令以古田縣南關外距城二百五十公尺之亭墩鄉及附近之西來洋田派員勘測建築飛

機場十月二十日起由縣政府抽派民役興工開闢全場面積計一十六萬平方公尺共應二百四十市畝科台一千六百公畝于二十四年六月間築竣經報省派員驗收嗣以附近西來洋有民衆崇祀之林章二公祠有礙飛機升降復令析卸以遺址擴充飛機場逾月完成二十七年七月奉航空委員會代電以古田飛機場狹小應卽予破壞并將場地發還原業主耕種經省府暨駐閩綏靖公署會商同意令縣遵辦當由縣政府召集地方各界組織發還飛機場田地委員會分別發還原業主墾復耕種璧返珠還民稱慶矣

無線電收音機

古田縣志

卷之十八

交通志

十四

近代電學發達機器日臻靈巧向之所賴以傳達消息者電報電話已敏覺捷今復有廣播電台之設於首都及各省會各市鎮彙集國內外新聞藉無線電之傳音播送全國各省縣市鎮則購置收音機裝設于公共機關將各電台所播新聞收集記錄以供民衆閱覽環球遠隔不啻一室晤談吾邑縣黨部及民衆教育館均有此項收音機其開通智獲益靡尠